

中華書局 編

稀見明史
研究資料五種



中華書局

中華書局 編

稀見明史研究資料五種
③

中華書局

第三冊目錄

大明太祖皇帝御製集二十一卷存十八卷(三)

卷十二 碑誌傳附 三

記 二九

卷十三 序 八三

卷十六 雜著 一六一

題跋 一二五

卷十七 古樂府 一二五

歌 一二三

辭 二五九

賦 二六二

卷十八 四言古 二七三

五言古 二七五

七言古 三一九

卷二十 七言律

.....三四一

七言排律

.....四二七

卷二十一

五言絕句

.....四三一

七言絕句

.....四三六

大明太祖皇帝御製集二十一卷

存十八卷（三）

〔明〕太祖朱元璋撰

明內府抄本

大明太祖皇帝御製集卷第十二

碑品傳附

皇陵碑

洪武十一年夏四月命江陰侯吳良督工新造

皇堂。予時兼鑑窺形。但見蒼顏皓首。忽思往日之艱辛。況皇陵碑記。皆儒臣粉飾之文。恐不足為後世子孫戒。特述艱難。明昌運。俾世代見之。其辭曰。

昔我

父皇。寓居是方。農業艱辛。朝夕徬徨。俄爾天災流行。眷屬懼殃。

皇考終於六十有四。

皇妣五十有九而亡。孟兄先死。合家守喪。田主德不我顧。呼叱昂昂。既不與地。鄰里惆悵。忽伊兄之慷慨。惠此黃壤。殯無棺槨。被體惡裳。浮掩三尺。奠何有漿。既葬之後。家道惶惶。仲兄少弱。生計不張。孟嫂携幼。東歸故鄉。值天無雨。遺蝗騰翔。里人缺食。草木為糧。予亦何有心驚若狂。乃與兄計。如何是常。兄云。去此各度。凶荒。兄為我哭。我為兄傷。

皇天白日泣斷心。眇兄弟異路。哀動遙蒼。汪氏老母。為我籌量。遣子相送。備醴馨香。空門禮佛。出入僧房。居未兩

月寺主封倉衆各為計雲水飄颻我何作為百無所長
依親自辱仰天茫茫既非可倚侶影相將突朝煙而急
進暮投古寺以趨蹌仰穿崖崔嵬而倚碧聽猿啼夜月
而淒涼魂悠悠而覓父母無有志落魄而快伴西風鶴
唳俄淅瀝以飛霜身如蓬逐風而不止心滾滾乎沸湯
一浮雲乎三載年方二十而疆時乃長淮盜起民生攘
攘於是思親之心昭著日遙盼乎家邦已而既歸仍復
業于於皇佳少三載而又雄者跳梁初起汝潁次及鳳
陽之南廂未幾陷城深高城隍拒守不去號令彰彰友
人寄書云及趨降既憂且懼無可籌詳傍有覺者將欲

聲揚當此之際逼迫而無已試與知者相商乃告之曰
果束手以待非亦奮臂而相戕知者為我畫計且禱陰
以默相如其言往卜去守之何祥神乃陰陰乎有警其
氣郁郁乎洋洋卜兆卜守則不占將就凶而不妨即起
趨降而附城幾被無知而創少頃獲釋身體安康從愚
朝暮日日戎行元兵討罪將士湯湯一攬不得再攬再
驢移營易壘旌旗相望已而解去棄戈與鎗予脫旅隊
馭馬控轡出控南土氣舒而光倡農夫以入伍事業是
匡不逾月而衆集赤幟蔽野而盈岡率度清流戍守滁
陽思剗詢舊終日慨慷知仲姊已逝獨存駙馬與甥雙

駙馬引兒來我樓外甥見舅如見孃此時孟嫂亦有知
携兒挈女皆從傍次兄已歿又數載獨遺寡婦野持筐
因兵南北生計忙忙一時會聚如再生牽衣訴昔以難
當於是家有眷屬外練兵鋼羣雄並驅飲食不遑暫戍
和州東渡大江首撫姑孰禮儀是尚遂定建業四守關
防礪兵秣馬靜看韻韻羣雄自為乎聲教戈矛天下鏗
鏘元綱不振乎彼世祖之法豪傑何有乎仁良予乃張
皇六師飛旗角亢勇者效力智者贊襄親征荆楚將平
湖湘三苗盡服廣海入疆命大將軍東平乎吳越齊魯
耀乎旌幢西有乎伊洛崤函地險河湟入胡都而市不

易肆虎臣露鋒刃而燦若星鎧已而長驅乎井陘河山
之内外民庶咸仰關中即定市巷笙簧玄菟樂浪以歸
版籍南藩十有三國而來王倚金陵而定鼎託虎踞而
儀鳳凰天塹星高而月輝滄海鍾山鎮嶽而巒接乎銀
潢欲厚陵之微葬卜者乃曰不可而地且臧於是祀事
之禮已定每精潔乎烝嘗惟劬勞固極之恩難報勒石
銘於

皇堂世世承運而務德必彷彿於殷商淚華以述難諭嗣
以撫昌稽首再拜願時時而來饗

中山武寧王神道碑

大明中山武寧王姓徐氏諱達鳳陽府鳳陽縣人家世
農業王年二十有二歲值元末兵興歲癸巳朕集義旅
王來麾下朕視其所以周旋幾二年動靜語默悉超羣
英於是命為帥首凡有徵征以代朕行又幾一載明年
乙未朕被敵所執敵之帥首亦為我軍所執明日王來
以身代朕歸縱敵帥首見王還已而從朕渡江下采石
定太平時機務浩繁姑孰之郡密邇大江況元帥首變
子海牙率舟師以拒江面為朕肘腋之患不暇率兵四
征乃命王為將擇精兵數千東取溧水溧陽王兵至守
者不戰民庶咸安明年丙申春二月敗元舟師于采石

王仍屯溧水。三月召王從征建業。越十日庚寅。師入建業。越七日丁酉。命為大將。浮江而下。水陸並進。東取京口。大破元師。京口以定。東探淝石。時張士誠擅稱名號。遣將已據毗陵。旌旗相望。其守者潛遣間諜誘我斥候。王察知。遣使歸告。請勒兵以討。朕許之。王將三萬人。逼近其壘。復遣使歸告賊勢。少窘。益兵可下。朕遣戰將千餘員。甲士三萬師會合。圍毗陵。張士誠自姑蘇發其弟張九六將兵數萬來援。王遣兵逆戰。不移時破之。生擒張九六。城守猶堅。朕復益新附二萬合勢。共圍守者窘。甚計出多方誘我新附帥首密從。傾營入城。助彼來戰。

初我軍環其城而營之。因新附者叛，四方去其三。獨王固守其南。開平王猶營東南外一舍之餘。扼彼援兵，尚未驚移。聞新附者叛，寇自王營。王拒守，且戰。開平自外來，援內外夾攻，大敗其衆，擒其守將張德餘。軍敗入其城，王復環而困之。士誠自姑蘇遣將呂珍，寅夜入城，督兵以守。與王相抗。初，彼軍雖少糧，且足用。戰守益堅。及誘降入軍，多糧少戰，且狐疑。丁酉，春守將呂珍潛遁。城下，師旋復遣征寧國。城圍援至，王發兵扼要而戰。援者敗，俘斬者衆。旬日，城降。宣城亦附。凱旋時，四方羣雄甚多。朕固守江東數郡，命王秣馬厲兵，以觀四方之勢。又

明年戊戌命王點兵固守建業。朕親下淞東。金華既平。六月師旋。未幾遣王西征皖城。水陸並進。徽北秋。命王西征池州。師抵而平。陳友諒遣兵來救。斬首萬級。生獲三千餘。時張士誠發兵來寇。宜興城陷。遣王將兵復取。師抵城下。不旬日城復生。獲三千餘。皆戰死。其年惟揚元義兵盡歸。壬寅秋。王從朕下。潯陽陳友諒敗潰。時張士誠發兵攻長興。留王守潯陽。未幾召歸。師次中途。令復守潯陽。比至。陳兵已入城。守王遣兵與戰。陳兵復潰。俘斬數千。獲其眷屬戰騎。彼時潯陽之境空荒。棄而弗守。師旋。建業癸卯春正月。取豫章城。降命王西取武昌。

不克班師中途豫章內變王復討平張士誠北寇壽春
朕親往援王為前部張兵敗北旋師金斗周圍其城戰
間陳友諒大率兵寇豫章詔王罷金斗之圍歸整舟師
解豫章之難秋七月師次彭蠡陳友諒罷圍逆戰王身
先諸將敗陳一巨艘死者千五百人自是彼軍勢弱我
軍威振由王身先癸卯歲留王守京朕西征武昌甲辰
武昌下克陳之後其年大會兵于京師乙巳歲命王取
淮東淮陰諸州仲夏師旋歲丙午命率甲士二十萬東
取吳越鏖戰於吳興阜林之野生擒張兵六萬不戮一
卒盡赴京師冬十有一月師抵姑蘇明年丁未秋九月